

ქალაქ ბათუმის მუნიციპალიტეტის საკრებულო

დადგენილება №

2019 წლის -- მაისი

„ქალაქ ბათუმის მუნიციპალიტეტის ტერიტორიაზე არსებულ ბულვარში, პარკში, სკვერში მოტოციკლით, კვადროციკლით და ელექტრომობილით (ელექტროტრანსპორტით) გადაადგილების წესის დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 5 მარტის №4 დადგენილებაში ცვლილების შეტანის შესახებ

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ქალაქ ბათუმის მუნიციპალიტეტის საკრებულო ა დ გ ე ნ ს :

მუხლი 1.

„ქალაქ ბათუმის მუნიციპალიტეტის ტერიტორიაზე არსებულ ბულვარში, პარკში, სკვერში მოტოციკლით, კვადროციკლით და ელექტრომობილით (ელექტროტრანსპორტით) გადაადგილების წესის დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 5 მარტის №4 დადგენილებაში (გამოქვეყნების წყარო: საქართველოს საკანონმდებლო მაცნე, www.matsne.gov.ge, გამოქვეყნების თარიღი: 11/03/2019, სარეგისტრაციო კოდი: 010250050.35.132.016429) შეტანილ იქნას ცვლილება და დადგენილების მე-2 მუხლი ჩამოყალიბდეს შემდეგი რედაქციით:

„მუხლი 2.

1. დადგენილება (გარდა ამ მუხლის მე-2 პუნქტით გათვალისწინებული გამონაკლისისა) ამოქმედდეს 2019 წლის 1 მაისიდან.

2. დადგენილება ბათუმის ბულვარის ტერიტორიის ნაწილზე (ველობილიკი ახალი ბულვარიდან დელფინარიუმის გასწვრივ არსებულ მონაკვეთამდე) ამოქმედდეს 2019 წლის 1 დეკემბრიდან.“.

მუხლი 2.

დადგენილება ძალშია გამოქვეყნებისთანავე.

ქალაქ ბათუმის მუნიციპალიტეტის
საკრებულოს თავმჯდომარე

სულიკო თეზიძე

განმარტებითი ბარათი

პროექტის სახელწოდება და სათაური

„ქალაქ ბათუმის მუნიციპალიტეტის ტერიტორიაზე არსებულ ბულვარში, პარკში, სკვერში მოტოციკლით, კვადროციკლით და ელექტრომობილით (ელექტროტრანსპორტი) გადაადგილების წესის დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 5 მარტის №4 დადგენილებაში ცვლილების შეტანის შესახებ

ა) ზოგადი ინფორმაცია პროექტის შესახებ;

პროექტი ითვალისწინებს „ქალაქ ბათუმის მუნიციპალიტეტის ტერიტორიაზე არსებულ ბულვარში, პარკში, სკვერში მოტოციკლით, კვადროციკლით და ელექტრომობილით (ელექტროტრანსპორტი) გადაადგილების წესის დამტკიცების შესახებ“ ქალაქ ბათუმის მუნიციპალიტეტის საკრებულოს 2019 წლის 5 მარტის №4 დადგენილებაში ცვლილების შეტანას, რომლის მიხედვითაც დადგენილება ბათუმის ბულვარის ტერიტორიის ნაწილზე (ველობილიკი ახალი ბულვარიდან დელფინარიუმის გასწვრივ არსებულ მონაკვეთამდე) ამოქმედდება 2019 წლის 1 დეკემბრიდან, ნაცვლად მოქმედი რედაქციით გათვალისწინებული 1 მაისისა. პროექტის მომზადება განხორციელდა სსიპ „ბათუმის ბულვარის“ წერილობითი მომართვისა და ბათუმის ბულვარის ტერიტორიაზე ელექტრომობილების ბიზნეს-სერვისით დაკავებული სუბიექტების აზრისა და მათი თხოვნის ნაწილობრივ გათვალისწინების საფუძველზე.

ბ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:

განკარგულების პროექტი შესაბამისობაშია უპირატესი იურიდიული ძალის მქონე ნორმატიულ აქტებთან.

გ) პროექტის ავტორი:


ქ. ბათუმის მუნიციპალიტეტის საკრებულოს აპარატის იურიდიული განყოფილება.

დ) პროექტის ინიციატორი:

ქ. ბათუმის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველო“.

ე) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის საკრებულოს აპარატის იურიდიული განყოფილების უფროსის მოვალეობის სემსრულებელი - ელენე ჭოლიკიძე



N 01-11/334
17/05/2019

334-01-11-2-201905171107



**ბათუმის მუნიციპალიტეტის საკრებულოს ფრაქცია
„ქართული ოცნება-დემოკრატიული საქართველო“-ს
თავმჯდომარეს ქალბატონ ნატალია ზოიძის**

ქალბატონო ნატალია,

თქვენი 2019 წლის 17 მაისის №367-12 წერილის პასუხად გაცნობებთ, რომ სსიპ ბათუმის ბულვარი გაეცნო ბათუმის მუნიციპალიტეტის საკრებულოს ფრაქცია „ქართული ოცნება-დემოკრატიული საქართველო“-ს წევრების მიერ მომზადებულ ბათუმის მუნიციპალიტეტის საკრებულოს 2019 წლის 5 მარტის №4 დადგენილებაში შესატანი ცვლილების პროექტს და გაცნობებთ, რომ მაღალი საზოგადოებრივი ინტერესებიდან გამომდინარე, ბათუმის ბულვარი ეთანხმება თქვენს მოსაზრებას ზემოხსენებული დადგენილება ტერიტორიის ნაწილზე (ველობილიკი ახალი ბულვარიდან დელფინარიუმის გასწვრივ არსებულ მონაკვეთამდე) ამოქმედდეს 2019 წლის 1 დეკემბრიდან, ნაცვლად მოქმედი რედაქციით გათვალისწინებული 1 მაისისა.

პატივისცემით,

ირაკლი ჯინჭარაძე

დირექტორი

სსიპ "ბათუმის ბულვარი"

